
KANGUNAKTILIGIYIT KAMISINAA NUNAVUMI

**Nangminik Havakti
Maligaliukvimi Nunavumi**

Havaagutikhait



Maligaliukvik Nunavumi

Januarymi, 2020

Kagitauyakut: www.assembly.nu.ca

KANGUNAKTILIGIYIT KAMISINAA NUNAVUMI

I. MALIGALIULAALUNI, HULINIAGUTAIT OVALO MALIKTAKHAINIK

Havakvikhangit Kangunaktiligiyit Kamisinaup Nunavumi, hanahimayuk malikhugit llangani 61mi *Takulaaktakhangit Tuhagutikhait ovalo Munagitjutikhait Nangminiigutikhait Pikuyakyuat*. Kangunaktiligiyit Kamisinaa atanguyautikaktok amigaitunik munagitjutikhainiklu ataani maligaliugutikhainit.

Takulaaktakhangit Tuhagutikhait ovalo Munagitjutikhait Nangminiigutikhait Pikuyakyuanga pihimayait Nunavumi April 1mi, 1999. Ihuakhaktauhimayuk Maligaliukvikmi Nunavumi amigaivyaktunik ukiuni 20ni. Maligaliugutingit ukakhimayuk Maliktakhangit katitigutainik, atugutainik ovalo tuhaktitainik tuhagutikhait Inunik Nunavumi Katimayikatainut. Ukaktok maliktakhait ilaukatauyut katimayiinut apigilaaktait takulaaktukhainik titigakhimayait.

Kangunaktiligiyit Kamisinaa ihivgiulaaktok angigutainik katimayit apigigaagamik takulaaktukhainik titigakhimayunik ovalo pitkutalaaluni ihivgiugutainit. Kangunaktiligiyit Kamisinaa ihivgiulaaktoklu ihuinaanahugiyainik tuhaktuninik katimayinut katitikhimayinut, atukhimayunit ovaluniit tuhaktitainik inminik tuhagutikhait ihuinaanigumik Pikuyakyuakhait. Kangunaktiligiyit Kamisinaa piniaktok tuhaktiluni maligutait Pikuyakyuat ilihagutikhainut. Kangunaktiligiyit Kamisinaa maliniaktok tuniluni kavamatkut ihumagiyainik ovalo pitkuyainik mikhaanut maligaliugutikhait ovalo aalat kavamatkut uktugumayainik pipkailaaktait takulaagutikhainik tuhagutikhait ovaluniit munagitjutikhait inminik tuhagutikhainik pihimayait katimayiakatauyut.

2017mi, *Takulaagutikhait Tuhagutikhait ovalo Munagitjutikhait Nangminiigutikhait Pikuyakyuat* ihuakhaktauhimayuk Maligaliukvimit angilinahuakhugit ukautait “Katimayit” ilaulutik “Havakviit, katimayit, kamisiit, kuapurisiit, titigakviit, Hamletkut ovaluniit aalat katimayit ilitagiyauhimayut maligaliugutainik.” Pikaktok 25nik Hamletkut Nunavumi. Augustmi 2019, *Takulaagutikhait Tuhagutikhait ovalo Munagitjutikhait Nangminiigutikhait Maligaliugutikhait* ihuakhaktauhimayut Hamletkunut ihumagiyauliktut “Katimayit” ataani maligaliugutikhainit. Kihimi, ilaulaaniaktut kakugu, ikpinagilaaniaktait akhut havagutikhainik Kangunaktiligiyit Kamisinaup.

II. TUHAKTITAKHAIT MALIGALIUKVIKUNUT OVALO TUHAKTITAKHAIT MALIGUTIKHAIT

Kangunaktiligiyit Kamisinaa tugaaktauhimaniaktok Kamisinamit Nunavumi pitkuhimayainit Maligaliukvimit, talimanik ukiunik. Kangunaktiligiyit Kamisinaa havagaaniaktok naamaligutainit.

Munagiyit ovalo Ikayuktit Katimayit Maligaliukvimit anginiaktait maniliugutikhainik ovalo maniit atugutikhainik tamamik Nangminik Havaktiit Maligaliukvimi. Ilaani, Munagiyit ovalo Ikayuktit Katimayit tunilaaktok maligutikhainik mikhaanut havagutikhait titigakvia nangminik havaktiit mikhaanut maniligiyyit, havaktiligiyyit, katraktiligiyyit ovalo niuviktiligiyyit.

Ataani Ilangani 68 *Takulaaktakhangit Tuhagutikhait ovalo Munagitjutikhait Nangminiigutikhait Pikuyakyuat*. Kangunaktiligiyit Kamisinaa piniaktok tuniluni ukiuk tamaat tuhaktitakhainik Ukaktimut Maligaliukvimi havaagutainik ukiumi titigakviit aipaanganit ukiumit. Ukiuk tamaat tuhaktitakhait pihimalaaktok pitkutikhainik ihuakhakhimayut maligaliugutikhainik ovalo aalanik ihumagiyainik. Ukiuk tamaat tuhaktitakhait tuniyauniaktok Maligaliukvimut. Ilaani, Kangunaktiligiyit Kamisinaa paknaiyalaaktok ovalo tuniluni tuhaktitakhainik Maligaliukvimut.

Malikhugit angiktauhimayut *Maligutikhait*, Maligaliukvik Katimayigalaat munagiyut Kavamatkut Havaagutainik ovalo Maniligiyyit (OGOPA) katimapkailaaktut kungialaalutik talavisitkut tuhaktitainik Kangunaktiligiyit Kamisinaup. Naalaktiligiyyut takuyaulaaniaktut Inunit. Kangunaktiligiyit Kamisinaa takuyauniaktok Katimayigalaanit tuhaktiyaanganik havakhimayait ovalo kiukatakluni apitkutikhainik katimayigalaatkunit. Katimayigalaat tuniniaktait tuhaktitakhait inminik tuhaktiyumayainik Maligaliukvikunut.

III. NAUNAIYAKHIMAYUT MUNAGITJUTIKHAIT TUHAKTITAKHAIT

Hapkoa tamaat ilaungitut katitigutait munagitjutikhainik Kangunaktiligiyit Kamisinaa. Kihimi, hapkoa tuhaktitakhait hivuliuyut naunaiyautikhait havaagutainik naunaiyakhimaniaktok iniktigutainik havaangit Nangminik Havaktiit. Inikhimayut ovalo ukautait havaagutikhait, munagitjutait, atanguyautait ovalo akigaktuugutainik maligutikhait munagitjutainik Kangunaktiligiyit Kamisinaup pihimayut iluani *Takulaaktakhait Tuhagutikhait ovalo Munagitjutikhait Nangminiigutikhait Pikuyakyuami*.

- Kangunaktiligiyit Kamisinaa hananiaktok makpigaakhainik ovalo atugutikhainik iniktigiaganik munagitjutainik ataani *Takulaaktangit Tuhagutikhait ovalo Munagitjutikhait Nangminiigutait Pikuyakyuat*.

- Kangunaktiligiyit Kamisinaa piniaktuk, apigiyaugumi, titigakluni ovaluniit ukakluni ikayugutikhainik Maligaliuktiit Maligaliukvimi mikhaanut maliktakhainik ovalo nangminiagutikhainik ataani *Takulaaktangit Tuhagutikhait ovalo Munagitjutikhait Nangminiigutait Pikuyakyuat.*
- Kangunaktiligiyit Kamisinaa ihivgiuniaktuk ovalo hanaluni tuhaktitakhainik ovalo pitkutiyakhainik titigakhimayuni ilangani 28-36 *Takulaaktangit Tuhagutikhait ovalo Munagitjutikhait Nangminiigutait Pikuyakyuat* mikhaanut angigutainik katimayit apigikatagutainik takulaagutikhait titigakhimayut ovaluniit ihuakhakhimayut nangminik tuhagutikhainit.
- Kangunaktiligiyit Kamisinaa ihivgiuniaktuk ovalo hanaluni tuhaktitakhainik ovalo pitkuhimayainik titigakhimayumi ilangani 49.1 to 49.14 *Takulaaktangit Tuhagutikhait ovalo Munagitjutikhait Nangminiigutait Pikuyakyuat* mikhaanut ihumaalugiyainik ihuinaakhimayunik maligaliugutait mikhaanut katitigutait, atugutikhait ovaluniit tuhaktitakhait nangminik tuhagutikhainik pihimayait katimayit.
- Kangunaktiligiyit Kamisinaa pihimaniaktuk katitikhimayunik ovalo titigakhimayunik mikhaanut ukiuk tamaat havakhimayait titigakviani.
- Kangunaktiligiyit Kamisinaa piniaktuk, malikluni ilangani 68 *Takulaaktangit Tuhagutikhait ovalo Munagitjutikhait Nangminiigutait Pikuyakyuat,* paknaiykluni ukiuk tamaat tuhaktitakhainik Maligaliukvimut. Kangunaktiligiyit Kamisinaa piniaktuk, kaitkugumi, takuyauniaktuk Katimayigalaanit Maligaliukvimi tuhaktiyaanganik iluaniitut tuhaktitait ovalo kiutjutikhait apitkutainik maligaliukatigiinit Katimayigalaani talavisitkut naalaktitititlugit.
- Kangunaktiligiyit Kamisinaa piniaktuk, apigiyaugumi Munagiyit ovalo ikayuktit Katimayiniit ovaluniit Katimayigalaanit Maligaliukvimi, tuniluni titigakhimayunik mikhaanut Maliktakhat ihumagiyaayut Maligaliukvimi.
- Kangunaktiligiyit Kamisinaa piniaktuk tuhaktikatakluni Kavamatkut Nunavumi Munagiyit Takulaaktangit Tuhagutikhait ovalo Munagitjutikhait Nangminiigutait mikhaanut, ayoikhaitjutikhait ilauyumayut Havaktiinut, tuihimalutik uktugumayainik maligaliugutikhait ovalo aalanik ihumagiainik.

- Kangunaktiligiyit Kamisinaa piniaktuk hanaluni ovalo takupkailaaluni tuhakgutikhainik pitkutikhait ikayugiaganik Inuit kangikhimayakhainik havaagutait Kangunaktiligiyit Kamisinaup. Hapkoa pitkutikhait takulaaniaktait Inuit ihuakhakatakhimayuni kagitauyakuugutit. Kagitauyakuuktut ilauniaktut ihumagiyainik Kangunaktiligiyit Kamisinaup *Ihivgiukhimayait Pitkutihimayut*, kavamatkut kiutjutait *Ihivgiugutait Pitkuhimayut*, ukiuk tamaat tuhaktitait ovalo nutaanik tuhaktitakhainik.
- Kangunaktiligiyit Kamisinaa piniaktuk aalanik Inuit ilihagutikhainik uktugutikhait ihumayainit naamaktiligutikhait ilanganut pitkutikhainit tutkukhimayut titigakviani havakhimayait.

IV. MANIIT ATUGUTIKHAIT

Munagiyit ovalo Ikayuktit Katimayit Maligaliukvimit anginiaktait maniliugutikhainik ovalo maniit atugutikhainik tamamik nanminik havaktiit Maligaliukvimi. Ilaani, Munagiyit ovalo Ikayuktit Katimayit tuniniaktait maligutikhainik mikhaanut havaagutait titigakvia Nangminik Havaktiit mikhaanut Maniligiyiit, Havaktiligiyiit, Katraktiligiyiit ovaluniit Niuviltiligiyiit.

Manikhangit

Kitkanit 1999mit 2019mut, titigakvia Kangunaktiligiyit Kamisinaa Yalonaimiitpaktok, Nunatiimi, havaktiupluni Kangunaktiligiyit Kamisinaa tamakmik Nunavumi ovalo Nunatiimi. Ilangit akiit ilauyut havaagutikhainik titigakviit atukatigiikhimagaluagamiuk Maligaliukviit malguuk Nunangiini. Ublumi Kamisinauyuk ukaalakhimayuk taimaaniakliktuk iniktigumi havaagutikhainik titigaviani March 5mi, 2020. Titigavikhanga Iqalumi nalvaaktauhimaliktuk Titigavikhanganik Kangunaktiligiyit Kamisinakhaa.

Ihumagyut Ukiuk Tamaat Havaagutikhait ovalo Munagitjutikhait Maniit Atugutikhait: \$125,000 (Ihivgiuktauliktuk)

Havaktiligiyit

Kangunaktiligiyit Kamisinaa havaktiilaaktuk tamaat havaktukhanik ovaluniit havalaktukhanik ovalo ilaupkailuni Akigaktituiyiniik, ayongitunik ovalo aalanik Inunik havaktakhainik titigakvia. Havaktiit Titigakviani Kangunaktiligiyit Kamisinaa ilauniaktut kavamatkut havaktiinut. Havaktukhakiugutikhait ovalo maligutikhait piniaktut maliklugit tamamik Kavamatkut Nunavumi atanguyautiaktainik, ilaulutik ilanganiitut *Kavamatkut Havaktiligiyiit Pikuyakyuat ovalo Havaktiligiyiit Maligutait*.

V. AYOIKHAIKATAGUTIKHAIT OVALO ILAUKATIGIIGUTIKHAIT

Kangunaktiligiyyit Kamisinaa Nunavumi ilauniaktuk ukiuk tamaat katmakyuagaagamik aatjikutainik munagiyut Kavamatukatkunit, Pravinsinit ovalo Nunangmiit Kamisinaat. Ilaani Kangunaktiligiyyit Kamisinaa ilauniaktuk munagikatigiigutainik aalanit katimagaagamik mikhaanut nutaanik munagiyakhait ilangit, kagitauyakuugutit Aniaktitailigiyyit Titigautait. Kangunaktiligiyyit Kamisinaa piniaktuk inminik naunaiyautainik pihimayaanganik nutaat taiguaktakhait tuhagutikhainik takulaaktakhait ovalo munagilaaktakhait nangminiigutikhainik.

VI. MALIKTAKHAIT OVALO MALIGUTIKHAIT HAVAKTUT

Kangunaktiligiyyit Kamisinaa tugaaktauhimaniaktuk Kamisinamit Nunavumi pitkuhimayunit Maligaliukvimit talimanik ukiunik titigakviani. Kangunaktiligiyyit Kamisinaa havaniaktuk naamakumi. Kamisinaup Nunavumi, pitkuhimayainit Maligaliukvimit, pilaaktuk, ihumagumi ovaluniit munagitjutainit, nutkalaktilaaktait ovaluniit unguvaktiluni Kangunaktiligiyyit Kamisinamik.

Munagiyit ovalo Ikeyuktit Katimayit Maligaliukvimi angilaaktait maniliugutikhainik tamamik Nangminik Havaktiit Maligaliukvimi. Kihimi Kangunaktiligiyyit Kamisinaa ilaukataungituk kavamatkut havaktiitut, ihumagiyauniaktuk ilaukatauyuk kavamatkunut havaktiit maliklugit maniliugutikhait. Inikpiakhimayuk maniliugutikhait ilauyut tuniniaktut talimanik ukiunik tugaagutikhainut. Kihimi Kangunaktiligiyyit Kamisinaa ilaungituk kavamatkunut havaktiit ukakhimayut iluani *Kavamatkut Havaktiigiyyit Pikuyakyuat*, maniliugutikhait ovalo ikayugutikhait ilauyut havaagutikhainut aatjikutauniaktuk tunikatakhimayait atanguyait munagiyut kavamatkuni havaktut. Inikpiakhimayuk Maliktakhait ovalo Maligutikhait havaktukhat ovalo ilauyut ikayugutikhait titigakhimaniaktut katrakhainut havaktuhak.

Titigakvia Kangunaktiligiyyit Kamisinaa Iqalumiiniaktuk, Nunavumi.

VIII. AYONGITAKHAIT

Pihimayakhait hamani havakvikhami pihimaniaktut ayongitakhainik ovalo munagilaaktakhainik avataanuutuk ilihagutikhanginit inikhimayait. Ilanganut, ilihagutikhainit ovalo ayoikhimayainik iniktigutait pihimayukhat havaktukhat, Kangunaktiligiyyit Kamisinaa pihimayukhak atuklugit kitkaniitukhanik, ihumagitiakhimayut atuklugit munagiyakhainut havakvikhait, munagilaktitlugit naamaktumik, ihumatiakhimayumik ovalo ukpigitiakhimayumik.

Naluyaungituk Akigaktiligiyyiit ovalo Kavamatkunit ikpinaktuk. Kangunaktiligiyyit Kamisinaa pikaktukhak kangikhiitigutikhait Maligaliukyuanik ovalo palitiksniit

ilauyut havaagutikhait nakuutiaktumik ilauyut Nangminik Havaktiit Maligaliukvimi Nunavumi.

1. Inikhimayait Ayongitjutait ovalo Inikthimayait

- Kangunaktiligiyit Kamisinaa pikaniaktuk Akigaktituiyit munagilaaluni akigaktiligiyiunik Nunavumi. Kangunaktiligiyit Kamisinaa pikaktukhak akigaktituiyit iniktigutainik ilitagihimayunit Univiversitimit Kanatami. Kangunaktiligiyit Kamisinaa pihimaniaktuk ilaukatautjutikhainik Akigaktituiyit Katimayigalaanut Nunavumi.

2. Kauyimayakhait ovalo Ayongitakhait

- Kauyimayukhak munagiyiit akigaktituiyingit, ilaulutik, maligutait nangminik akigaktuutait ihivgiugutainik ovalo ihivgiufaagutainik;
- Kangikhimaluni Kanatami pikataliktainik mikhaanut takulaaktakhainik tuhagutikhait ovalo munagitjutikhait nangmiiigutait maligaliugutainik; ovalo
- Havaagutainik Kauyimayakhait Kanatami Maligaliuligutikhainit atugutait ovalo kangikhimaluni nutaanik aalatkitjutait Maligaliukvik Nunavumi.

3. Ayoikhimayakhait ovalo Pilaaktait

- Atugutainik tamamik Inuit Ukauhiit ovalo Kablunaatitut nakuuyut;
- Hakugiktumik ayonaktunik ihuakhalaktuk ilaulutik pipkailaaktuk naamaktunik, ihuaktunik ovalo ukpigiyainik ihivgiugutainik;
- Pihimayuk ihivgiukpialaagutainik ovalo angigutikhainik ayoikhaitjutainut;
- Hakugiktumik titigalaaluni, ilaulutik paknaiyalaagutainik ihumagiyait titigakluni ovaluniit aatjikutainik makpigaat; ovalo
- Hakugiktumik maniligiyiit ovalo havaktiligiyiit munagitjutainik nalungiluni, ilaulutik, pilaaktakhainik hivumuutinahuaguait ovalo hivuliktiuluni ilaukatauyunut iniktigutikhait pinahuaktakhait.